

La doturia Margarete Mahlknecht é demez dai 24 ai 28 d'aurí y vëgn sostituida dal dotur Eduard Agreiter 333 13 80 852.

PLOANIES SAN MARTIN Y LUNGIARÜ

Invit ala Prozesciun de nôt dl Movimënt Catolich di Èi en sabeda, ai 13 de ma, che pëia ia dales 21.00 da Porsenù (Acquarena) a Neustift, dailó dales 22.00 mëssa solëna. Al pordicarà siur Markus Moling y al ciantará le cor di èi cun musiconc da Toblach. Dala Val Badia vâl ia na coriera che passarà ia dala Burcia (dales 19.20). Düc i èi é bel invia. Prenotaziuns pro Leo Crepaz 348 40 96 351 cina en sabeda, ai 6 de ma. I partezipanc é peria da se tó do na ciandëra o na linterna.

Cun osta sotescriziun sön la detlaraziun dl davagn y söl mod. CU (Certificazione Unica) podëise destiné l'8 pormile dles cutes paiades ite ala Dlijia Catolica. Chësta adora i scioldi por la formaziun di proi, por la Caritas, por contribuc por costruziuns nöies tles ploanies, por sorvisc pastoraï desvalis, por proiec de aiüt tl terzo monn y por aiüc umanitars tl caje de catastrofes.

Cun na secunda sotescriziun podëise destiné 5 pormile dles cutes paiades ite a istituziuns y assoziaziuns religiozes y soziales de nosta diozeja.

Chi che ne dá jö degöna detlaraziun dl davagn pó la fá cun la sotescriziun sön le formular cun la coperta lapró, metü fora sön scafa di libri te dljia.

Dala Val Badia vá en vëndres, ai 28 d'aurí, n bus jö da Padre Pio a S. Giovanni Rotondo y vëgn indô a ciasa en lönesc, al 01 de ma, storjon pro a Loreto. Al é ciamó posé lëdi, prenotesse atira pro Lisl d'Antermëia 0474 520 013

Le Sorvisc ai Jogn lascia alsavëi che l'ofize é stlüt cina ai 25 d'aurí.

La Uniun dles Patrones mët a jí n curs cun Manuela Promberger y Nicole Irsara da imparé da fá deplü sorts de trëces en lönesc, ai 24 d'aurí, dales 9.00 ales 11.00 a San Martin. Informaziuns y prenotaziuns pro Loise 0474 590 026.

En jöbia ai 27 d'aurí vá le grup Atmosfera cun Irina Tavella y Barbara Rungger tl urt de erbes y ciüfs dla distilaria Bergila a Issing dlungia Falzes. Dailó spazirada cun spiligaziuns y consëis sura erbes y plantes ch'an pó adoré ince a ciasa. Dedô wellness de 5 menüc te na stüa de cir cun rames de barantli. La jita é debann mo prenotesse 0474 524 552. I s'incuntun dales 15.00 tla sënta dl Raiun Sozial a Picolin. Info: Sabine Rainer 0474 524 519. Düc é bel invia.

Ciasa dl Parch Natural Fanes-Senes-Braies inaudëia tla Ciasa dl Parch natural a Al Plan en vëndres, ai 28 d'aurí, dales 20.00 la mostra "Le cerf" cun n referat de Luca Pedrotti, che á coordiné les inrescides sura i cerfs tl Parch Nazional Stelvio/Stilfser Joch: "Vagabondi delle Alpi - mobilità e migrazioni stagionali del cervo".

Le Zënter Families Mareo organisëia n curs da ti fá massaji ai pici mituns che á da 6 edemes a 6 mëisc. Al gnará mostré la basa por n massaje che vá bun por renforzé la relaziun y comunicaziun cun i pici mituns, da tigní sciöche pice ritual o sciöche aiüt cuntra les coliches, ai 4 y ai 18 de ma tl Zënter Families Mareo dales 10.00 ales 11.00. Deplü informaziuns y prenotaziuns pro Sofia 338 71 73 577.

Baratada de ciüf ai 10 de ma dales 20.00 tl salf di stödafüch a San Martin.

La referënta Sabine Schrott baiará sura "Jungpflanzen, Gewinnung von Saatgut, Vermehrung und Erhaltung" Tolesse do ciüfs, pelzes y somenzes ch'i n'adorëis nia plü, y gnide a se tó val' ch'i n'ëis nia ciamó. Dales 19.30 é la poscibilité da dé jö le patüc te salf. Gnide düc, al é interessant.



www.unitepastorla.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

23.04.17 – 30.04.17 nr. 22

termo da publiché: jöbia 20.00
radio: 90,40 / 93,70



SECUNDA DOMËNIA DE PASCA – A Domënia Blancia – Domënia dl Misericordia

Vangele: Jan 20,1-18

Tomesc ti à respognü ai discepui che â odü le Signur:

Sc'i ne vëighi nia les ferides di agüs te sües mans

y sc'i ne pò nia mëte mi dëit tl büsc di agüs

y mia man te so costà, ne crëii nia.

Otedé do ê sü discepui indô abinà adöm, y Tomesc ê lapró.

Dailò é gnü Gejü - les portes ê stlütës pro -

é jü amesa èi ite y à dit: Pêsc a os!

Spo àl dit a Tomesc:

Tëgn ca to dëit - chilò é mies mans!

Tëgn ca tûa man y mëtela te mi costà,

y ne stè a ester descredënt, mo credënt!

Tomesc ti à respognü: Mi Signur y mi Dî!

Gejü ti à dit: Deache te m'as odü, crëieste.

Beâc é chi che ne vëiga nia y crëi impò.

Finalmënter é val' che se moi tla comunité de Gejü.

Do che i discepui é restá paralisá dala gran spordüda,

él la ressourceziun de Gejü che porta ite slöm.

I cörs di èi y dles ères mët man da se daurí.

Le Signur comparësc danter èi y é propi sciöche denant,
al vir y é chël che trasformëia le monn cun la forza dl amur.

Al é düc che crëi ater co Tomesc nia, al ó l'odëi y savëi avisa, sciöche nos.

Y Gejü ti al conzed. Tomësc vá ti jenëdli y conësc so Signur y so Dî.

Mo ince a nos, ch'i n'odun nia le Signur cun nüsc edli, nes impormëtél val' de gran.


„Beac chi che ne vëiga nia y crëi impó“

Cun d'atres parores: Beac! chi che á na fede che vá sura ci ch'ai vëiga fora.

Savëi dëida, fede dá beatitü.

Savëi é le laur artejanal tla vita, fede é l'ert da la vire.



	SAN MARTIN	LUNGIARÜ	 La comunité di discepu di do Pasca é d'ejèmpl por la comunité cristiana Tomes, che s'un ê sté fora dala comunité y n'ê nia dailó (anfat por ci gauja) canche le Ressorí é comparí le pröm iade, é impó bëgnodü, le cèrtl di discepu ne le stlùj nia fora. Ince sce Tomes n'ê nia bun da crèie, ch'ai â odü Gejú, fejel impó pert de súa comunité. Dübi pó gni dic fora, ai ne stlùj nia fora. Forsc ciodiche i atri discepu se recordà che ince èi â albü sües deblèzes y sü dübi. Insciö dess la comunité ester n post, olache degügn n'á bria da se mostré atramenter co ch'ai n'é. ----- I ti audun döt le bun a nosc ploan, siur laco, che complèsc incö sabeda, ai 22 d'aurí, 73 agn, lapró sanité, ligrèza y sodesfaziun te súa misciun y na buna ressonanza de súa parora pro vignun. 
23.04.17 DOMÈNIA BLANCIA -A DLA MISERICORDIA <i>Oferta de solidarité por i proi</i>	9.00 Corona 9.30 Gran Mëssa Festa di maridá iubilars che é do mëssa invιά tl salf di Stödafüch	9.00 Gran Mëssa en onur de San Florian a d'intenziun di Stödafüch Benedisciun dl auto nù	
24.04.17 Lönesc <i>Fidelis, Ivo</i>			
25.04.17 Dedolönesc <i>Merch vangelist</i>	19.30 Mëssa a Picolin families de Sepl Frenner + Pire Tavella, Cëch + Alfred Videsott		
26.04.17 Dedemesaledema <i>Maria dal Bun Consëi, Cletus</i>		7.30 Mëssa fam. Gustav Mischi dl ann + Gottfried Dapoz	
27.04.17 Jöbia <i>Pire Canisius, Zita</i>	7.30 Mëssa a d'intenziun de Sepl Flöss + Cristina Conrater + Giovanni Tavella Corona por vocaziuns		
28.04.17 Vëndres <i>Pire Chanel, Valeria</i>	18.30 Adoraziun chîta 19.00 Adoraziun deboriada	7.30 Mëssa + + Nazio y Teresa Pezzei + + Franz y Veronica Costa	
29.04.17 Sabeda <i>San Ciascian y San Vigile</i> <i>Catarina da Siena</i>	15.30 Mëssa tla Ciasa de Palsa 18.30 Mëssa prefestia + + + Giovanni, Herta y Pire Zingerle + siur Heinrich Videsott Pordicadú: pater Pius Dapré de Badia Oferta por i Miscionars Combonians	20.00 Mëssa prefestia + Guido Clara + + Angela y Benjamin Clara Pordicadú: pater Pius Dapré Oferta por i Miscionars Combonians	
30.04.17 3ª DOMÈNIA DE PASCA -A Domènia de San Ciascian	9.00 Prozesciun de San Germano 9.30 Gran Mëssa 14.00 Bato de Gloria Frenner	7.55 Corona 8.15 Gran Mëssa	



SAN MARTIN: Ai maridá iubilars che recorda incö cun reconescënza i agn de matrimone ch'ai á podü vire deboriada ti audunse döt le bun y che Idî i benedësces sön so tru.